

Nga ghét njù mansie

1¹A ka pe me njiéshí, Nyinyi ghét pût po nsie. ²Nsie ka pe tuopkéri, mbe ndem ndem, njem pe tù ngu lí' mentén, yiéne Nyinyi ndù ndun nké. ³Nyinyi mi: Ráne pe! Ráne tum mbe. ⁴Nyinyi yùen mi ráne pua' pokéri. I sènte ráne po njem. ⁵Nyinyi fû ráne ne lié-nòm, mfû njem ne lié-shü', nère a ghét ndù'ngwen pe, nku'njù pit mbe, yire yí ka pe pò ne pum liénjù. ⁶Nyinyi mi: Apû na mo' lâ yum tum me fâne nké, nsènte nké. ⁷Nyinyi ghét ndia' lâ yum ire tum, nsènte nké, mo' pe manjem lâ yum ire, mo' pe nku ndun, a ghét nère. ⁸Nyinyi fû lâ yum ire ne pût, nère ndù'ngwen pe, nku'njù pit mbe, yire yí ka pò ne mbète liénjù ipâ.

⁹Nyinyi mi: Nké yùe a pua' nshin pûr a kpa' mbône tù ndí lí', yu yumshe tum. A ghét nère. ¹⁰Nyinyi fû yu yumshe yire ne nsie, mfû mbône-nké ne ripâ. Nyinyi yùen mi a pû nère. ¹¹Nyinyi pit nzie mi: Apû na nsie tùè', ngùnga ghét ngùer i, tùtù fa mbâ shi pit mbe me nküshi me nküshi, ngùet pam run ndun nsie. A ghét nère. ¹²Nsie tùè', ngùnga fa ngùer i me nküshi me nküshi, tùtù fa mbâ shi pit ngét ngùer i me nküshi me nküshi. Nyinyi yùen, a pi pû. ¹³Nère ndù'ngwen pe, nku'njù pit mbe, yire yí ka pò ne mbète liénjù itèt. ¹⁴Nyinyi mi: Yu fa ráne tumkét nkutù pût, nsènte lié-nòm po lié-shü', mbe ndét fù', ndét liénjù, ndét lum, ¹⁵mfa ráne nkutù pût, mbit nzáne nsie nkéé. A ghét nère. ¹⁶Nyinyi ghét yu fa ráne ngutngure ipâ: yingure tùtùn pe meshi' sa' lié-nòm, yinküe' nsa' lié-shü', mbit ngét pòmùt. ¹⁷Nyinyi ghét a tum nkutù pût, mbe nta nzáne nsie, ¹⁸nsa' lié-nòm ne lié-shü', nsènte ráne po njem. Nyinyi yùen, a pi pû. ¹⁹Nère ndù'ngwen pe, nku'njù pit mbe, yire yí ka pò ne mbète liénjù ikpa.

²⁰Nyinyi mi: Apû na mi penyam ùe pe ngum ma tum méé-nké rèni, pesí pe ntèt tù ndun nsie nguon méé nkutù pût. ²¹Nyinyi ghét, nsha ngutngure pua ngu penyam ngumkét mentén, yùe pe ndù

na, tumkét yié nké me nküshi me nküshi, mbit ngét pesí me ntuet ti me ntuet ti. Nyinyi yùen, a pi pû. ²²Nyinyi sâ ntintié map, nzie mi: Pe-nùn ntùè', nsène, nzun tù ripâ-nké, pesí pit nsèn ndun nsie. ²³Nère ndù'ngwen pe, nku'njù pit mbe. Yire yí ka pò ne mbète liénjù itèn.

²⁴Nyinyi mi: Apû na mi penyam ùe pe ngum ma tum ndun nsie me nküshi me nküshi. A ghét nère. ²⁵Nyinyi ghét penyam shu ndun nsie me nküshi me nküshi, penyam kpa nkut me nküshi me nküshi, ne ngu palète mentén ùe pe pua' ndun nsie na me nküshi me nküshi. Nyinyi yùen, a pi pû.

Yié Nyinyi ka ghét mùnyütu na

²⁶I pit nzie mi: Pue ghét mùn me féén' upue, i pe nsa' nsha méé-nké, ne pesí tù ghamnjù, ne penyam kpa nkut tù ndun nsie, ne ngu palète mentén ùe pe nzâm tù ndun nsie na. ²⁷Nyinyi ghét mùn me féén'i, ngér i me fééne Nyinyi, ngér ap: membâ po memgbie. ²⁸Nyinyi sâ ntintié map, nzie ne pue mi: Tùè'-nùn, nsèn, nzùne nsie, mbe nsa', pe-nùn nsa' nsha méé-nké ne pesí tù ghamnjù, ne nshié menyam ùe i ngum tù ndun nsie na. ²⁹Nyinyi pit nzie mi: Me fa ngu ngùnga pua ngu ngùet ti mentén, yùe a pua' tù ndun nsie na, ne nshié tùtù yùe mbâ shi pua' ntùm a, ne pùn me payù shùn. ³⁰Me fa ngùnga me payù ne penyam tù ndun nsie, pua pesí tù ghamnjù, ne nshié yua i ngum tù ndun nsie mbi té njiéne na. A ghét nère.

³¹Nyinyi yùen ngu yua i ka ghét na, a pi pû tùtùn. Nère ndù'ngwen pe, nku'njù pit mbe, yire yí ka pò ne mbète liénjù intù.

2¹Yí pua' nküka pût po nsie ne ngu paghére mentén ka kpa' ndishe na. ²A ka pe ne ne nzishe liénjù isâmba, Nyinyi lishe fa' shi, mgbùne ñwer i ne yire liénjù meshi' fa' yùe i ka fa' na. ³Nyinyi sâ ntintié nzishe liénjù isâmba yire, nzán'i, mengaka a pua' liénjù yùe i

ka gbùne ñwer i mén fù'ka i ka lische fa' shi mentén a.

Nka' Edén

⁴Yí pua' nyit njiéshe kâ pe ka ghét pút po nsie na. Fù'ka Yawé Nyinyi ka ghét nsie po pūr a, ⁵nshié metùtù pe ndi' mo' ndun nsie, nshié ntâm ngùnga pi mâ me ndu'i tū nsum, mengaka Yawé Nyinyi ka pi mâ me ngér i mo' mbù lue ndun nsie, shi' mùn mbi pe me meshi' fa' fa' na. ⁶Nké kuo' ntum me lo' mansie, nzabe nsie. ⁷Yawé Nyinyi puom mùn ne mvop nsie, mfùe yiéne fa wume me mfù-nji mi, mùn yíe yu wumkét.

⁸Yawé Nyinyi ghét Nka' Edén tū mgbâ ndem-ñom, njap mùn ùe i ka ghér i na nùrùt. ⁹Yawé Nyinyi ghét tūtù lo' tū ndun nsie me nkùshi me nkùshi, mbù me yinjùene, mbit mbù me yinjù, tūtù wume po tūtù râne mi mùn ne pū po pū pe mfe tū ghùeghùe nka'. ¹⁰Mo' nké tum tū Nka' Edén, nsénte pōmbue pi ikpa, mbe nzabe nka' yire. ¹¹Li pumi pe Piskon, yire pua' yùe a shíne ngu Havila ña yùe lem-poñ pua' na. ¹²Lem-poñ yire ngu pua' ndu wi-ne-wi, pe na mbit njùen mo' nshù-tùtù lamida yùe pe mfù ne Délium a, ne mo' wue kùndù nùrùt. ¹³Li mbète ipâ pe Gihon, a pua' yùe a shíne ngu Kus na. ¹⁴Li mbète itèt pe Hidékél, a pua' yùe a té nja' ne ndem-ñom tū ngu Asiria na. Nzíshe ikpa pe Efrat. ¹⁵Yawé Nyinyi yap mùn tū Nka' Edén, i pe mfa' mbit nshí. ¹⁶Yawé Nyinyi fa yí kên ne múnnyùtu nâ mi: U yéne yinjù ngu mbâ-tùtù mentén tū nka', ¹⁷na, ma yù mbâ-tùtù râne mi mùn ne pū po pū, mengaka liénjù yùe u ndo' yù na, u kpù na.

Yié Nyinyi ka ghét memgbie na

¹⁸Yawé Nyinyi mi: A mâ mbù i yùe mùn mbe nshu wi-yi'she na. M'a ghét ngâ-yingâm'i, yùe i féén'i na. ¹⁹Yawé Nyinyi ghét ngu penyam mentén pua pesf tū ghamnjù yùe i ka ghér ab a, kpa' ntue mesù múnnyùtu, ñêre mi i yùen yíéka múnnyùtu ntue pe nshíe li nshíe ndí merù yab a, ne nkù li yùe nshíe yu yiéne

lo' pe nkuot na. ²⁰Múnnyùtu shié mi ngu patâ mentén, ne pesf mentén, pua ngu penyam kuop mentén, na mbe shi' tue me tu-ñwer i, ngâ-yingâm'i yùe i féén'i na pe ndi' mo'. ²¹Yawé Nyinyi ghét ndia' mùn gbù lié wù, i tûme mōnséé, nzùne pin i ne njap. ²²Yawé Nyinyi puom memgbie ne mōnsa yùe i ka tûme ndun membâ na, mfa memgbie ndia' ne membâ. ²³Múnnyùtu shù mi: Ré, yí pua' nkù lo' tū nkù sha, mbe njap lo' tū njab a, pe na lo' pe mfù i ne memgbie, mengaka pe tûme na wi pō ndun mùn a. ²⁴Yí pua' tu kâ mùn ndo' tue pe ntâ tit-'ap, ntâ nâ yap, nzèt ndun mgbí i, pe yíe ndí ñwet imo' na. ²⁵Membâ po mgbí i ka kpa' mbò ntamme, shi' tu yap nzét.

Yié pe ka fit Adam po Efa tū Nka' Edén a

3 ¹Nue ka pe pumme ngâ-ntân tū rù penyam nsén mentén ùe Yawé Nyinyi ka ghét na. I tue mbishe ne memgbie mi: Nyinyi pi rie mbékét mi, pū ma yù nshíe mbâ-tùtù tū nka' yí ne? ²Memgbie pūt ne ñue mi: Pū na njù ngu mbâ-tùtù mentén ùe a pua' tū nka' na. ³Na, mbe tue me tūtù yùe a pua' tū ghùeghùe nka' na, Nyinyi rie mi: Pū ma yù yùn mo', shi' pit mbam pa yimbame ne pue yùn, mbu pū na kpù. ⁴Nue rie ndia' ne memgbie mi: Pū tap ndo' kpù yùn mo'. ⁵Na, Nyinyi yi na mi, liénjù yùe pū ndo' yù na, pū yíe yíéka Nyinyi, mbe nji ngambokét, nji ngambúkét.

⁶Memgbie yùen, tūtù pî mbù me yinjùene, mbit nzomshe me yinjù, njétne yu fa râne. I kap njù, mfa yi mùr i yùe i ka pe mengùn' i na, i yù nkéé. ⁷Mi map kûe nzèn mi wén, pe yi mi pe pua' ntamme, pe kap mfu figié, ntam, mgbíe me shùe'.

⁸Membâ po mgbí i pua' yu' ngé Yawé fù' ndù'ngwen, i pi té nkétne tū Nka', pe téé nkok tū mfù tūtù. ⁹Yawé Nyinyi fù: Mùn, nzie mi: U pō ya? ¹⁰I pūt mi: M'bu' yu' ngi u tū Nka', lùep vi a, n'kop, mengaka m'bu' pō ntamme na. ¹¹Yawé Nyinyi mi: A rie wue n'u mi u

pua' ntamme? U lo' pi yù mbâ-tùtù yùe me kên u mén a ke? ¹²Membâ mi: Memgbi a u féé ne me na, fa na wi mbâ-tùtù ne me, n'jù. ¹³Yawé Nyinyi pishe ne memgbie mi: U ghét nêre mekùe? Memgbie pùt mi: A fùte na nùe wa n'jù. ¹⁴Yawé rie ne nùe mi: Mbama u ghét nêre na, me sue ndôn me tu u merü ngu penyam mentén. U na pe nshi' nsü vom shu pô nsie, pe nshi' nkù njù pô nsie tù ngu liénjù wume shu mentén. ¹⁵Me sue kùpèn me fân'u pù memgbie, me fâne ngüer u pua ngüer i, ngüer i na ndo' nyé're tu u, u num yu nshî-kuri. ¹⁶Nzie ne memgbie mi: M'a lo' ku'she ngüe' ndun u tù fù' yùm shu, u na lo' pe mvé ne ngüe', wupme shu mentén pe nkù mbô ndun mùr u, i lo' mbe nso'o. ¹⁷Nzie ne membâ mi: Mbama u yu' nshut mgbi u, njù mbâ-tùtù yùe me kên u men a, me sue ndôn metu nsie meshi' shu. U na lo' pe nkên nshur u lé, ké u mbe ngume. ¹⁸Mankue pua fuotkâ na lo' pe ndo' tù nsu u, u lo' mbe njù mfu-tùtù. ¹⁹U na lo' pe ndí ndi'ne ké u mbe njù yum, méé fù'ka u ndo' pùtne yié mvop-nsie yùe n'ka ghér u mén a, mengaka u pua' mvop-nsie, u na lo' pit kù pùtne yié mvop-nsie na. ²⁰Adam shié li mgbi i ne Efa, mengaka i pua' nâ ngu pùen ngum-két mentén a. ²¹Yawé Nyinyi tâshe shùe' ne ngup penyam mgbié ndun Adam po mgbi i. ²²Yawé Nyinyi mi: Ré, mùyütu yié na yié mo' ndi merü yupue, i yi pü, nji pü. Pue nèn i mi i ma pèt pu i tù tütù wume, shi' yù pa yinjù, ma pém i wum nkake. ²³Yawé Nyinyi fir i ndia' tù Nka' Edén, i wuon mbe mfa' nsie yùe i ka tum ntùm a. ²⁴Yî pua' nküka Nyinyi ka fit Adam, njap Pakérubin tù Nka' Edén me mgbâ ndem-ñom, nsue nyi ntônkét me pue yap, pe nshî mânjé wuon mfe nshin tütù wume na.

BIBEL

KUM-KËN NE KËN-MFÉ
ALLIANCE BIBLIQUE DU CAMEROUN
 YAOUNDE

1988